



Page: 2

Reach: 50000

Country: BOSNIA AND HERZEGOVINA

Size: 271 cm2

1 / 1



S jučerašnjeg sastanka u Sarajevu: Akcija 'Damask' vrlo uspješna

Zasjedao uži krug direktora SIPA-e

Formiran specijalni tim za borbu protiv terorizma

Borba protiv terorizma apsolutni je prioritet nad drugim aktivnostima ove agencije, istaknuto je

Borba protiv terorizma apsolutni je prioritet nad drugim aktivnostima Agencije za istrage i zaštitu (SIPA) BiH, zaključeno je na jučerašnjoj sjednici užeg Kolegija direktora ove agencije.

Oružani sukobi

Na Kolegiju su analizirani sigurnosno stanje u BiH i sveukupne aktivnosti SIPA-e u borbi protiv terorizma te posljednji rezultati u ovoj oblasti, a razgovarano je i o planovima s posebnim akcentom na preventivno djelovanje, saopćeno iz ove agencije.

Učesnici Kolegija osvrnuli su se i na posljednju akciju kodnog naziva „Damask 3“, u kojoj su pripadnici SIPA-e proaktivnim nastu-

pom spriječili odlazak osuđjenih osoba u Siriju, radi učešća u oružanim sukobima na strani radikalne terorističke organizacije Islamska država.

Zaključeno je da će i u budućem radu akcent biti na proaktivnom i preventivnom djelovanju te da se svi ljudski, materijalni i tehnički kapaciteti SIPA-e stavljaju u funkciju borbe protiv terorizma.

S ciljem kontinuiranog jačanja kapaciteta Agencije, u narednom periodu planirano je formiranje posebnog odjela za borbu protiv terorizma. U sastav ove organizacije jedinice ući će profilirani kadrovi, istražitelji koji su prošli niz specijali-

stičkih obuka i radili na najsloženijim predmetima ovog tipa, zaključak je Kolegija.

Saradnja u regionu

- SIPA će u okviru svojih zakonom propisanih nadležnosti te s ciljem ispunjenja ciljeva strategije i akcionog plana za prevenciju i borbu protiv terorizma preduzeti sve neophodne mjere i radnje u beskompromisnoj borbi protiv terorizma. Svjesni smo da nema drugog puta - poručio je direktor SIPA-e Goran Zubac.

U tu svrhu formiran je specijalni tim za borbu protiv terorizma koji će ostvarivati usku saradnju s partnerskim agencijama u BiH, zemljama regiona i šire. **M. Aš.**